



ELZETTE MINNAAR TOERE

Posbus 54107
Ninapark
0156
info@minnaartoere.co.za

Tel 012 546 0770
Tel 012 565 4883
Sel 082 761 7115
Faks 086 628 6146

WILDEKUS 9 – 17 MAART 2020



Die **Wildekus** van 250 km strek van **Keimond** in die suidweste tot by **Port Edward** in die noordooste. Die **Wildekus** het geen gelyke as dit kom by afgesonderdheid nie. Die kus word omspoel deur die warm **Agulhasstroom**. Hierdie kuslyn is een van die mooiste met sy wit branders, swart rotse, groen heuwels en die blou see in die helderste skakerings denkbaar!

MA 9 MRT

Ons vertrek om **06:00vm** uit Pretoria vanaf die **Garden Court Hotel**, h/v Pretorius- en Endstraat. **Bus stop binne in die gronde van die hotel**. Ons begin ons reis vanaf Pretoria via die N3. By **Van Reenen** besoek ons die kleinste Rooms Katolieke kerkie in die wêreld wat tans nog in gebruik is. Ons stop elke 2 – 2 ½ uur om bene te rek en om versnaperings te koop. **Aandete en oornag Port Edward.**



DI 10 MRT

Net na ontbyt vertrek ons verder op ons roete in die rigting van die **Wildekus**. Ons ry oor die **Umtamvunarivier** wat ook die grens is tussen Kwa Zulu Natal en die “Transkei”. Ons draai weg na die binneland en ry deur Redoubt, Bizana en Flagstaff tot by Lusikisiki. **Lusikisiki** se naam is verleen aan die geluid wat die wind deur die riete maak. Hier swaai ons weg na Mbotyi wat geleë is by die monding van die **Mbotyirivier**, ‘n ongerepte deel van die **Wildekus** met sy heuwels en tropiese woude. Hier raak ons rustig en verlustig ons in die mooi natuurskoon. Ons stap langs die strand en ons geniet die stilte om ons. Weg van die gejaag en van al die selfone want hier by Mbotyi is daar geen selfoon opvangs nie. ‘n Mens kry die gevoel dat tyd hier stil gestaan het. Dit is ook hier waar mens die beste kry wat op die strand lê. **Aandete en oornag Mbotyi.**



WO 11 MRT

Na ‘n heerlike ontbyt bring ons ‘n besoek aan die **Magwa waterval**. Suid-Afrika se tweede hoogste waterval. Ons stop ook by die **Magwa teeplantasie** om tee te koop. Daarna vertrek ons vanaf Mbotyi en bring ‘n besoek aan **Port St Johns**. Hiervandaan ry ons in die rigting van Umngazi River Lodge. Die Umngazi River Lodge kan gevind word aan die **Wildekus** 20 km vanaf Port St Johns. Die omgewing bied besoekers ‘n gematigde klimaat, lang wandelinge op **ongerepte strande**, Nguni-koeie wat op die strand aangetref word en wei op die golwende heuwels, **kleurryke Xhosa-hutte**, wonderlike en volop voëllewe, asemrowende rotswandeling. In die namiddag doen ons ‘n sonsondergang bootrit op die **Umngazi rivier**. Na aandete kuier ons lekker saam en geniet mekaar se geselskap. **Aandete en oornag Umngazi River Lodge.**





DO 12 MRT

Na 'n heerlike ontbyt is ons gereed vir die dag se gebeure. U kan deelneem aan 'n bootrit wat 'n woudstap insluit waar u **pragtige varings en bome** kan besigtig. U kan ook in die namiddag op 'n gemaklike staproete gaan om voëls te besigtig. Tussen in sal ons ook 'n besoek bring aan 'Alice se huis' vir 'n heerlike koppie tee. Ons geniet die asemrowende uitsigte van Umgazi. **Aandete en oornag Umgazi River Lodge.**



VRY 13 MRT

Na ontbyt ry ons via **Mthatha (Umtata)** tot by Koffiebaai. Koffiebaai het sy naam ontleen aan die talle koffiebome wat begin groei het nadat 'n vragskip met 'n vol vrag koffiebome aan boord, hier gestrand het. Baie van die bome het vir 'n paar seisoene oorleef. Vandag is daar ongelukkig geen koffiebome meer in sig nie. Koffiebaai is geleë by die mond van die **Nengarivier** (rivier van die Walvis). Nog twee ander riviere loop hier in die see in, die Mapuzi- en Umtata riviere.



Agt kilometer suid van Koffiebaai is een van die mees uitsonderlike rotsformasies aan die hele Suid Afrikaanse kus, die **Hole in the Wall** soos dit algemeen bekend staan. **Oor duisende jare heen het die malende waters deur die rots gebreek.** Ons besoek hierdie besienswaardigheid en ons spandeer genoeg tyd daar om die omgewing te verken. Hierna maak ons 'n draai op die strand en stap heerlijk langs die see. Indien daar tyd is besoek ons ook die paar winkeltjies wat daar is en ons maak 'n draai by die uitkykpunt. Ons keer terug na ons Hotel en ontspan voor aandete. **Aandete en oornag Koffiebaai.**



SAT 14 MRT

Na 'n heerlike ontbyt ry ons in die rigting van die N2 en by **Butterworth** draai ons weg in die rigting van die **Quoloramond**. Ons arriveer by ons oornagpunt wat teen die see lê. Wavecrest is geleë aan 'n kristalhelder riviermonding, gevoed deur twee riviere, wat deur ongerepte duinewoud kronkel. Die hotel is aan die suidelike oewer van die produktiewe riviermonding Nxaxo geleë en is die ideale beginpunt vir alle voël besigtiging. Die groot verskeidenheid habitat tipes is maklik bereikbaar en binne loopafstand van die hotel. Voor aandete kan u gaan stap en die pragtige omgewing geniet. **Aandete en oornag Wavecrest.**



SO 15 MRT

Ons sit aan vir 'n heerlike ontbyt. Die res van die dag geniet ons weer die see en die mooi omgewing. Daar is verskillende kort staproetes om te verken. U kan saam met 'n gids voëls besigtig of net die mooi omgewing geniet. 'n Bootvaart word tydens hoogwater aangebied om die riviermonding te verken. Hierdie ervaring is slegs beskikbaar as die getye hoog genoeg is. **Aandete en oornag Wavecrest.**



MA 16 MRT

Na ontbyt vertrek ons op ons eerste skof huistoe en reis deur **Butterworth, Idutywa, Engcobo, Elliot, Barkly-Oos, Lady Grey tot by Aliwal Noord** langs die Oranje Rivier, 'n pragtige roete met hoë indrukwekkende rotsformasies en van die mooiste natuur. **Aandete en oornag Aliwal Noord op die oewer van die rivier.**



DI 17 MRT

Na ontbyt vetrek ons vanaf Aliwal Noord na **Bloemfontein, Kroonstad en met die N1 verder tot in Pretoria**. Ons geniet vir oulaas die **natuur** rondom ons. Ons arriveer ongeveer 17:00 in Pretoria met wonderlike herinneringe aan die **ongerepte Wildekus met sy besondere natuurskoon.**

Die Wildekus is 'n bestemming waarheen u nie sommer op u eie sal gaan nie. Dis ongerepte natuur en mens kry die gevoel dat tyd hier stil gestaan het.

Hoop ons sien u op die bus!

WILDEKUS			9 – 17 MAART 2020	
Deposito	Prys	Enkelbybetaling	Vertrek om	Opklimpunt
R2000	R12995	R2330	06:00	Garden Court Hotel
Bankbesonderhede		<ul style="list-style-type: none"> • Naam van rekening: AMT • FNB Tjekrekening • Rek nr 626 168 615 07 • Takkode 254005 		
Verwysingsnommer		<ul style="list-style-type: none"> • Gebruik asb die volgende verwysingsnommer: WLK gevolg deur u van [bv WLKFouche] 		
Kontant inbetalings		<ul style="list-style-type: none"> • MOET ASB NIE KONTANT IN ONS REKENING INBETAAL NIE. Maak asseblief gebruik van internet- of bank oorplasing. • EPOS OF FAKS ASB DIE INBETALINGSTROKIE NA 086 628 6146 OF info@minnaartoere.co.za MET U NAAM, VAN EN TOER WAARVOOR U DIE INBETALING GEDOEN HET. 		
Deposito		<ul style="list-style-type: none"> • Deposito van R2000 betaalbaar met bespreking. • Die balans is betaalbaar 30 dae voor die toer se vertrekdatum. 		
Toerprys sluit in		<ul style="list-style-type: none"> • Vervoer in luukse bus • Uitstekende akkommodasie • Twee etes daaglik - soms drie • Alle toegangsgelde ingesluit soos op program aangedui 		
Toerprys sluit uit		<ul style="list-style-type: none"> • Uitgawes van persoonlike aard • Middagetes – By Umngazi River Lodge en Wavecrest is daar drie etes ingesluit • R80 pp footjie vir gidse & bagasiehantering tydens die toer • R80 pp bydrae vir busbestuurder 		
Belangrik		<ul style="list-style-type: none"> • Alle roetes, toerpryse en datums van toere en uitstappies is onderhewig aan verandering. 		